

- 1^r Hie kumen keller / kôch / eehaltten
- 2^r All die des huses sorg / dũnt waldden
- 3^r Die redlich jnn dem schiff dũnt schalten



von kochen vnd keller.

- 1 Eyn böttlin erst vor vnß hyn lieff
- 2 Das froget nach dem narren schiff
- 3 Dem goben wir versaltzen suppen
- 4 Das er dem flâschlin wol möcht luppen

o ij

5 Jm was zû louffen also goch
 6 Das fleschlin es on duren zoch
 7 Wir wolten jm brieff geben han
 8 Wolt es doch nit so lang still stan /
 9 Des kumen wir die straß hie schlecht
 10 Keller / vnd kôch / megde / eehalt / knecht
 11 Die mit der kuchen sint behafft
 12 Wir tragen all vff nach kuntschafft
 13 Dar vß keyn duren vns bestat
 14 Vß vnserm seckel es nit gat
 15 Vor vß wann vnser herschafft nycht
 16 Zû huß ist / vnd es nyeman sicht /
 17 So schlemmen wir vnd tabernyeren
 18 Frômde prasser / wir mit vns heym füren
 19 Vnd geben do gar manchen stoß
 20 Der kannen / krusen / fleschen groß
 21 Wann nachts die herschafft schloffen gat
 22 Vnd rygel / tor / beschlossen hatt
 23 So drincken wir dann nit des bösten
 24 Wir lossen vß dem vasß / dem grôsten
 25 Do mag man es nit wol an spüren
 26 Ans bett / wir dann eynander füren
 27 Doch dünt wir vor zwen socken an
 28 Das vnß die herschafft nit hör gan
 29 Vnd ob man schon hört etwas krachen
 30 Mann wânnt die katzen dünt das machen
 31 Vnd wenn eyn kleyn zyt vmbhar gat
 32 So wânt der herr / das er noch hat
 33 In sym vâßlin eyn gûten drunck
 34 So macht der zappff dann glunck glunck glunck

35 Das ist eyn zeychen dar zů / das
 36 Gar wenig ist me jn dem faß
 37 Dar zů / wir dar vff flißlich achten
 38 Wie wir zů richten vil der trachten
 39 Do mitt den glust / vnd magen reyten
 40 Mit kochen / syeden / broten / schweyten /
 41 Mit rōsten / bachen / pfeffer bry
 42 Vol zucker würtz vnd specery
 43 Geben wir eym eyn oxymell
 44 Der by der stāgen leydt gewell
 45 Oder muß das von jm purgyeren
 46 Mit Syropen / vnd mit *klystieren*
 47 Des achten wir gantz nütz zů mol
 48 Dann wir ouch werden dar by vol
 49 Vnser selbes wir nit vergessen
 50 Das best / wir ab dem hafēn essen
 51 Dann ob wir hungers sturben schon
 52 Man sprech / es wer von vōll gethon
 53 Der keller spricht / brot mir eyn wurst
 54 Her koch / so lesch ich dir den durst
 55 Der keller ist des wyns verräter
 56 Der koch ist des tūfels bräter /
 57 Hye dūt er gwonen by dem für
 58 Das jm dort kumen würt zů stür /
 59 Keller vnd kōch sint selten lār
 60 Sie tragen vff als by der schwār
 61 Jns narren schyff stat all jr bgār
 62 Do Joseph jnn Egypten kam
 63 Der fürst der kōch jnn zů jm nam
 64 Jherusalem gwan Nabursadam

o3r

o iij

46 klystieren] krystieren GW5046 GW5047 56 ist GW5046 GW5047] der ist GW5041